



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Celebratione Missarum: & Sacramento Eucharistiæ: & diuinis officis.
Titulus XLI.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Ecclesiis Deo sacratis non est denuò consecratio adhibenda, ni aut incendio, aut alia ruina dissecrata sint. Quo casu omnia ex integro agenda erunt: perinde ac si nunquam consecrata fuissent, c. ecclesijs, dist. de consecr.

Episcopus, crescente fide fidelium, nouam ecclesiam construere, & vnã in plures diuidere potest, c. precipimus, 6. quest. 1. & c. nulli, dist. 99.

DE CELEBRATIONE MIS-
sarum: & Sacramento Eucha-
ristiæ: & diuinis officis.

Titulus XXI.

Continuatio.

Non tantùm altariũ, ecclesiarum, aliarũq; rerum consecratio fit, verùm etiam ad tremendi illius sacrosanctę Synaxeos, seu Eucharistię sacramenti perfectionem, debita Diuini verbi prolatio, siue consecratio, dēbetur.

Quid est Eucharistia, & vnde dicitur?

Eucharistia est, Sacramentum, quod sub speciebus visibilibus, panis, scilicet, & vini, verum sacrosanctum corpus & sanguinem Christi continet: ex cuius sumptione ingentem Dei gratiam & vitam animæ consequimur. Dicta Eucharistia, quasi bona gratia, vel gratiarum actio, c. in quadam, & c. cum Marthæ, §. quęsiuisti, extr. eo. c. species, dist. 2. de consecrat.

Quæ

Quæ continet Eucharistia?

Sacrosancta Eucharistia à seinuicé tria discreta continet: species, scilicet, visibiles. 2. Veritatem sacrosancti Corporis & Sanguinis Christi. 3. Vberem spiritualis gratiæ virtutē. Quod enim oculis nostris apparet, species sunt panis & vini. Quod sub speciebus fides nostra comprehendit, verum corpus & sanguis est Christi. Quod autem ex participatione sacrosanctæ Eucharistiæ consequimur, virtus est gratiæ spiritualis, & vita æterna, c. quia corpus, distin. 2. de consecrat.

Quæ causa Efficiens?

Deus Optimus Maximus: Qui celebrata cum discipulis suis agni paschalis Cœna, hoc sacramentum in suâ commemorationem obseruari præcepit, Matth. 26. Marc. 14. & Luc. 22.

Quæ causa Impulsiva.

Amor ille ingens: quo Dominus suos dilexit, vt ait Ioannes 13. Cùm Dominus dilexisset suos, in finem dilexit eos. Cuius quidem amoris, vt diuinum aliquod, atq; admirabile pignus daret, sciens horam iam venisse, vt transfiret ex hoc mundo ad patrem, ne vlllo vnquam tempore à suis abesset, inexplicabili consilio, quod omnem naturæ ordinem & conditionem superat, perfecit.

Quæ Materia?

Elementum panis & vini. In hoc enim Eucharistiæ sacramento, visibiles panis & vini species, quæ

quæ tantummodò sacramentum. i. visibile signum sunt rei sacræ: hoc est, Corporis & Sanguinis Christi: quæ sunt res huius sacramenti, & non modò per has res quadam similitudine signantur, sed sub ipsis speciebus reuera continentur, considerantur. Deinde eadem similitudinis ratione, verum illud Christi Corpus sacramentum est mystici illius Corporis Christi, quod est Ecclesia: cuius caput est, Christus, quod in Eucharistia quidem non continetur, tamen veri illius corporis similitudine significatur. Nam quod in vero Corpore est diversitas membrorum, hoc est in Ecclesia diversitas donorum & gratiarum: quam diuinitatem charitas compingit, & dirigit in unitatem. Cuius commercio, quod in singulis Ecclesie membris excellens est, & bonum, id in communione omnium cedit utilitatem. Huius autem mystici corporis communio & incorporatio, præcipua Eucharistiæ efficacia & principalis virtus, & veri corporis & sanguinis Christi participatione acquirimus. Vnde Apost. 1. Corint. 10. inquit, vel & præcipua Eucharistiæ efficacia insinuaret, veri corporis & sanguinis Christi participationem in illud mysticum corpus ordinem. Calix benedictionis, inquit, cui benedictio, nonne communicatio sanguinis Christi est? quem frangimus, nonne participatio corporis Domini est? Et huius sanctæ participationis fructus insinuans, subdit: Quoniam vnus panis & vnum corpus multi sumus, omnes qui de vno pane, & de vno calice participamus. Hic igitur nobis vsus Eucharistiæ præstat, ut in com-

unionem mystici illius corporis Christi, quod est Ecclesia, velut membra arctius inferamur. Ad quam unionem insinuandam & commendandam, panis & vinum aptissimè seruiunt: Nam & panis ex multis granis in vnum coalescit, & vinum ex multis racemis confluit. Sic nos per vsum huius diuini mysterij, cum multi simus, in vnum coalescimus, & per Spiritum sanctum adunamur, eodemq; pacis & charitatis vinculo, velut membra, in vnum corpus colligamur, &c. c. quia passus, distinct. 2. de consecrat.

Quæ Forma?

Verbum Christi idem efficiens, quod significat. Est autem tale, quod Christus in institutione huius Sacramenti protulit, & legitur apud Matthæum 26. Marc. 14. Luc. 22. & 1 Corinth. 11. Sub hac orationis forma: Accipite & manducate: Hoc est Corpus meum, quod pro vobis tradetur. Hoc facite in meam commemorationem. Et accipiens calicem, gratias egit, & dedit illis, dicens: Bibite ex hoc omnes: Hic est enim Sanguis meus, noui testamenti, qui pro vobis, & pro multis, effundetur, in remissionem peccatorum. Hoc facite, quotiescunque bibetis, in mei commemorationem. Sacramentum enim Eucharistiæ ipsa consecratio, quæ verborum forma sub pane & vino exprimitur, efficit, c. panis & calix, & c. non omnis, distinct. 2. de consecrat. Hinc Augustinus: Verbum Christi, si ad elementum accedat,
 sic

752 ANALYS. IVRIS PONTIFICII
fit sacramentum, & Matth. 26. benedixit licet ac-
cipere.

*Quæ causa Finalis institutæ
Eucharistiæ?*

In hunc finem instituta est Eucharistia, ut pas-
sionis & mortis Christi recordemur, eamq; an-
nuntiemus perpetuò. Sic enim ipse ait: Hoc fa-
cite in mei commemorationē. Et Paulus: Quo-
tiescunq; manducabitis panem hunc, & calicem
bibetis, mortem Domini annuntiabitis donec
veniat. Vult autem ob id Dominus meminisse
nos sue passionis, ac mortis: 1. Ut ea recordatione
fidē nostrā subinde & excitemus & cōfirmemus,
persuasi scilicet, ipsius mortem, esse redemptio-
nem ac vitam nostram: ipsius sanguine ab om-
nibus peccatis nos mundatos esse, & etiamnum
mundari, c. quia morte, dist. 2. de consecrat. 2.
Ut ad gratiarum actionem, ipsi pro tam estimabili
beneficio iugiter offerendam incitemur. 3. Ut
ad peccatorum abdicationem, bonorumq; con-
trā operum ac innocentiae studium animemur.
Cogitantes nimirum seriò, nos iam factos esse
membra Christi, eoq; actiones etiam deere tan-
to capite nostro dignas: hoc est, prorsus Christia-
nas. 4. Ut ad fraternæ quoque charitatis imita-
memur officia. Sic nempe totos nos impenden-
tes proximis, quemadmodum ipse Christus se
totum nobis impendit, &c.

Qui Effectus?

Primus est: Ut de sacro Domini Corpore & san-
guine participantes in membra eius trāeamus,
& uniamur cum illo, non solum secundum spi-
ritum

ritum, fide, & charitate, sed vera corporis vnio-
ne: vt iam ipsi velut membra capiti inhereamus,
& vnum cum illo corpus efficiamur, secundum
Iohannem 6. Qui manducat meam carnem, &
bibit meum sanguinem, in me manet, & ego in
eo, & qui manducat hunc panem, viuit in æter-
num. Alter effectus ex primo dimanat, est aditus
ad æternam hæreditatem, quæ noui atq; æterni
testamēti iure ad nos venit: in Christo enim ma-
nentes, vitam æternam, & similem cum illo im-
mortalitatis gloriam, in ipso & per ipsum possi-
dere poterimus, nec iam vilius gratia cum illo
nobis intercedat diuortium, Nec possit vnquā
alibi fieri diuersum, quod hic tam firmo arctis-
simoq; vnionis vinculo est colligatum. Vnde Io-
hannes 6. Qui edit meam carnem, & bibit meū
sanguinem, habet vitam æternam: & ego susci-
tabo eum in nouissimo die. Deniq; sumptione
Eucharistiæ confirmamur in fide, munimur ad-
uersus omnis generis vitia, ad honorum operū
studium extimulamur, & ad charitatem inflam-
mamur.

Quæ Affinia?

Mannæ distributio, Patribus facta, & azyma,
c. inquit, & c. vbi pars est, dist. 2. de cōsecrat. Quæ
quali Eucharistiæ præfiguratio fuerunt. Diffe-
runt tamen effectū secundum Iohannem 6. Hic
est panis ille, qui è cælo descendit, nō sicut com-
ederunt patres vestri manna, & mortui sunt:
Qui ederit hunc panem, viuet in æternū. Et Apo-
stolus Paulus, 1. Cor. 5. Expurgate vetus fermen-
tum, vt sitis noua conspersio, sicut estis azymi
Et enim Pascha nostrū immolatus est Christus
Bbb itaqu

784 ANALYS. IVRIS PONTIFICII
itaque epulemur, nō in fermento veteri, neq̄ in
fermento malitiæ & nequitiae, sed in azymis syn-
ceritatis & veritatis. Et alia sacramenta, quō ad
collationem spiritualis gratiæ, Eucharistiæ affi-
nia sunt, licet ex omnibus sacris mysterijs, quæ
nobis tanquam diuinæ gratiæ certissima instru-
menta Dominus Saluator noster commédauit,
nullum sit, quod cum sanctissimo Eucharistiæ
sacramento comparari queat.

Quæ Adiacentia?

Spiritualis gratia, diuinitas Christi, fidelitas
sumentis.

Quæ Pugnancia?

Omissio verbi diuini, contemptus solenni-
um, aliarumq̄ rerū, quæ Ecclesia obseruari præ-
cepit, simulatio consecrationes, infidelitas, c. de
homine, & c. fin. ext. eod.

De cælebratione Missarum habetur in c. cum
Marthæ, extr. eod. & per totum, dist. 2. & dist. 4.
in fin. de consecrat.

De diuinis officijs clericorum agitur in c. 4.
& c. dolentes, extr. eod.

AXIOMATA ET SENTENTIÆ

Ecclesia gremium non claudit redeuntibus, c. solu-
cis, dist. 2. de consecrat.

Corporeum illud manna nunc est tanti res miranda,
quia venit quod perfectum est: perfectus autem panis
cælo corpus est, ex uirgine natū, c. corporeum, ead. dist.

Corpus Christi quod sumitur, & figura est in speculo
veritas in substantia, c. corpus, dist. 2.

Sancta nocent malis, & mala profunt bonis, c. 3.
sancta, dist. 2. eod.

Mentis

LIBER TERTIVS. 758

Mentiri Deo: ipsum fallere nō potes, c. panē, dist. 2. eo.
Non corpus, sed anima substantiam fulcit panis vitæ
æterna, c. non iste, dist. 2.

Credere in Christū, est panem & vinum manducare:
qui credit in eum, manducat eum, c. vt quod, dist. 2. eod.

Non natura nascitur, sed consecratione conficitur nobis
Corpus & Sanguis Christi, c. panis, dist. 2.

Sacrificium visibile inuisibile est sacramentum, id est,
sacrum signum. Sacramentum est inuisibilis gratia visibili
forma, c. sacrificium, dist. 2.

Signum est res, præter speciem, quam ingerit sensibi-
bus, aliud aliquid faciens ex se in cognitionem venire, c.
signum, dist. 2. de consecrat.

Vbi pars est corporis, est & totū. Eadē ratio est in cor-
pore Domini, quæ in manna, quod in eius figura præces-
sit, de quo dicitur: Qui plus collegerat non habuit ampli-
us, neq; qui minus parabat habuit minus. Nō enim quā-
ntitas visibilis in hoc æstimatur mysterio, sed virtus sacra-
menti spiritualis, c. vbi pars est, dist. 2. eod.

DE BAPTISMO ET EIVS

Effectu.

Titulus XLII.

Continuatio.

Baptismus, qui quasi ianua est, qua in Chri-
stianæ vitæ societatem ingredimur, conse-
cratione quoq; perficitur.

Quid Baptismus?

Baptismus definitur sacramentum, quo quis
recta animi intentione, & debita verborum for-
ma obseruata, alium non contraſcientē, aqua
elementari abluit, pro remissione peccatorum.

Bbb

2

Secd